

DEWAN RAKYAT YANG KETIGA

MALAYSIA

PENGGAL YANG KEDUA

PEMBERITAHU
UCAPAN-UCAPAN TANGGAPAN

Bil.	Tarikh Ucapan akan dibuat	Perkara	Ahli Yang akan Berucap	Menteri Yang Bertanggungjawab.
1.	18.8.72	Latihan Perguruan untuk 2,000 orang guru-guru sementara sekolah-sekolah Cina.	Y.B. Fan Yew Teng	Y.B. Menteri Pelajaran.
2.	18.8.72	Polis senantiasa menyalahgunakan kuasa dengan membuat tuduhan terhadap orang ramai.	Y.B. Peter Paul Dawson	Y.B. Menteri Hal Ehwal Dalam Negeri.

M A L A Y S I A

DEWAN RAKYAT

ATURAN URUSAN MESYUARAT

HARI JUMAAT, 18HB OGOS, 1972 PUKUL 2.30 PETANG

Bil.21

1

PERTANYAAN-PERTANYAAN BAGI JAWAB MULUT

- *1. Tuan Lim Kit Siang minta Menteri Hal Ehwal Dalam Negeri menyatakan:
- (i) sebab-sebab mengapa ditarik balik kerakyatan C.C. Yoong, yang pada masa ini sedang ditahan di bawah Akta Keselamatan Dalam Negeri di pusat tahanan Muar;
 - (ii) sama ada benar bahawa tindakan undang-undang untuk dibuang negeri sedang diambil terhadap beliau; dan
 - (iii) sama ada Kerajaan akan mengadakan perbicaraan terbuka kepada orang ramai supaya beliau membela tuduhan-tuduhan yang didatangkan terhadap beliau.
- *2. Dr. S. Seeveratnam minta Menteri Hal Ehwal Dalam Negeri menyatakan:
- (i) jumlah orang-orang tahanan di Pulau Jerejak seperti yang terdapat pada lhb Julai, 1972;
 - (ii) sama ada terdapat mereka-mereka yang ditahan di Pulau Jerejak itu di bawah Akta Keselamatan Dalam Negeri, jika ya, berapa bilangannya; dan
 - (iii) bilakah Kerajaan bercadang menghapuskan kegunaan Pulau Jerejak sebagai pulau tahanan.

- *3. Dr. Chen Man Hin minta Menteri Hal Ehwal Dalam Negeri menyatakan sama ada beliau sedar bahawa pesakit-pesakit yang ingin mendapatkan rawatan perubatan di Negeri China mengalami kesulitan untuk mendapatkan kebenaran dari Jabatan Imigresen, jika ya, sama ada beliau akan melonggarkan sekatan-sekatan kepada perkara-perkara seperti ini.
- *4. Tuan Peter Paul Dason minta Menteri Kewangan menyatakan jumlah keuntungan yang telah dibawa keluar negeri oleh pelabur-pelabur/^{luar}negeri di Malaysia untuk setiap tahun sejak Merdeka.
- *5. Tuan Joseph Valentine Cotter minta Menteri Kewangan menyatakan sama ada bekas-bekas kakitangan Kerajaan yang telah meletakkan jawatan setelah sembilan tahun berkhidmat dengan Council Negeri di antara tahun-tahun 1962 hingga 1970 boleh mengeluarkan wang pencaruman mereka daripada Kumpulan Wang Pencen Balu dan Anak Yatim.
- *6. Tuan Loh Jee Mee minta Perhubungan menyatakan:
- (a) Jumlah bilangan lesen-lesen teksi yang telah dikeluarkan dari lhb Jun, 1971 hingga 30hb Jun, 1972; dan
 - (b) daripada lesen-lesen/^{yang}dikeluarkan itu berapakah yang diberikan kepada bekas Pasukan Keselamatan.
- *7. Tuan Loh Jee Mee minta Menteri Perhubungan menyatakan kesan dari adanya Peronda Jalanraya . kita untuk menahan pelari-pelari deras terutama lori-lori yang berjalan melebihi had lajunya.
- *8. Tuan Loh Jee Mee minta Menteri Perhubungan memberikan perangkaan tentang bilangan teksi haram atau "Pirate Taxi" yang telah ditangkap dan telah berjaya didakwa di antara tarikh lhb Julai, 1971 dan 31hb Disember, 1971.

*9. Dr Chen Man Hin minta Menteri Pertahanan menyatakan:

- (a) sama ada beliau sedar bahawa Jabatan-Jabatan Kerajaan dan Pihak-Pihak Swasta tidak mengindahkan seruan Kerajaan supaya memberikan keutamaan kepada bekas-bekas perajurit, apabila mereka memohon tanah atau pekerjaan, dan jika ya, apakah langkah-langkah yang telah diambil supaya pihak-pihak yang berkenaan mematuhi seruan-seruan ini; dan
- (b) sama ada beliau sedar masih ada lagi Kerajaan-Kerajaan Negeri yang belum menubuhkan Jawatankuasa Pemulihan Bekas-bekas untuk mengatasi kepincangan hidup beribu-ribu orang bekas perajurit.

*10. Dr Tan Chee Khoon minta Menteri Pertahanan menyatakan sama ada beliau sedar akan perbuatan-perbuatan merompak di perairan Malaysia di Selat Melaka di mana nelayan-nelayan dari Pulau Pangkor dan Pulau Ketam telah kehilangan bukan sahaja bot-bot mereka tetapi juga wang mereka untuk membayar tebusan bagi membebaskan diri mereka; jika ya, apakah langkah-langkah yang sedang diambil oleh Tentera Laut Di Raja Malaysia untuk menghalang kejadian-kejadian merompak daripada berlaku lagi.

*11. Raja Nong Chik bin Raja Ishak minta Menteri Buruh dan Tenaga Rakyat menyatakan:

- (a) sama ada benar bahawa Syarikat Lion Metal di No.4 Jalan 213, Petaling Jaya enggan mengiktiraf Kesatuan Pekerja-pekerja selepas hampir enam bulan ianya ditubuhkan dan kemudiannya telah membuang 2 orang pekerja Melayu dan 1 orang pekerja China kerana mepelupuri penubuhan Kesatuan Pekerja-pekerja itu; dan
- (b) sama ada benar yang pihak pengurus enggan mengambil balik pekerja-pekerja yang telah dibuang itu dan mengugut hendak membuang semua pekerja-pekerja yang lain; sekiranya mereka ingin bekerja balik, mereka hendaklah membuat permohonan-permohonan yang baru, sungguhpun pegawai buruh yang diarah untuk menyiasat permogokan yang berbangkit dari pembuangan 3 orang pekerja itu telah mengesyor dan mendapat persetujuan dengan pihak pengurus bahawa mereka patut diambil semula.

- *12. Raja Nong Chik bin Raja Ishak minta Menteri Pelajaran menyatakan mengapa doktor-doktor di Hospital Universiti enggan membedah serta merta seorang Melayu yang terbunuh di dalam satu kemalangan jalanraya dengan sebuah lori di Petaling Jaya pada 14hb Jun, 1972 setelah mayat itu dibawa ke Hospital Universiti tetapi telah menangguhkan pembedahan itu hingga hari esoknya.
- *13. Tuan Hashim bin Gera minta Menteri Kesihatan menyatakan mengapakah Kementerian tidak menyediakan sebuah wad yang chukup dengan alat kelengkapan tempat tidur yang bersih bagi mencegah sesuatu penyakit yang datang dengan mengejut seperti taun, atau penyakit cacar di Hospital Besar, Kuala Lumpur.
- *14. Tuan Hashim Gera minta Menteri Kesihatan menyatakan sebab mengapa Kementerian tidak menyampaikan lagi pingat-pingat kepada orang yang menderma darah di Rumah Sakit Besar, Ipoh, sejak kebelakangan ini.
- *15. Tuan Hashim Gera minta Menteri Kesihatan menyatakan tindakan yang telah diambil oleh Kementerian terhadap kakitangan-kakitangan Hospital Besar, Ipoh, yang terlibat dalam menunjang filem **lucah** di Dewan Rumah Sakit Batuk Kering baru-baru ini yang telah tersiar di suratkhabar-suratkhabar.
- *16. Tuan Haji Ahmad bin Arshad minta Menteri Kebudayaan, Belia dan Sukan menyatakan sama ada Malaysia telah menghantar ahli-ahli olahraganya untuk mengikuti kursus di luar negeri sebagai persiapan untuk sukan Olimpik di Munich; jika ya, nyatakan bilangan yang dihantar, jenis latihan dan ke negara manakah mereka dihantar.
- *17. Dr Tan Chee Khoon minta Menteri Pelajaran menyatakan sama ada beliau akan menimbang menyediakan kursus-kursus di dalam perkhidmatan bagi guru-guru^{di}/sekolah-sekolah Rendah Jenis Kebangsaan Inggeris supaya mereka dapat menjadi guru-guru tetap sebagaimana yang telah dibuat di sekolah-sekolah China dan Tamil; jika tidak, kenapa.

- *18. Dr Tan Chee Khoon minta Menteri Pelajaran menyatakan sama ada Universiti Sains Malaysia mempunyai Majlis Universitinya sendiri; jika tidak, mengapa.
- *19. Tuan Tai Kuan Yang minta Menteri Pelajaran menyatakan sama ada Kerajaan bercadang hendak mengadakan Kelas-kelas Tingkatan Enam di sekolah-sekolah Aliran Inggeris di daerah Kulim, Kedah; jika ya, bila.
- *20. Tuan Lim Kit Siang minta Menteri Pelajaran menyatakan sama ada beliau sedar akan perasaan tidak senang hati dan kegusaran yang merebak di kampus Universiti Malaya semasa permulaan tahun Universiti yang baru terhadap pengambilan penuntut-penuntut di atas asas peratus mengikut kaum, dan nyatakan apakah langkah-langkah yang telah diambil oleh Kementerian beliau untuk menentukan pengambilan yang adil, saksama dan sama rata akan penuntut-penuntut ke Universiti Malaya.
- *21. Dr S. Seeveratnam minta Menteri Pelajaran memberi angka-angka mengikut kaum di dalam peratus dan jumlah angka, pengambilan penuntut-penuntut bagi setiap tahun ke Universiti Malaya sejak ianya ditubuhkan di Kuala Lumpur hingga ke tahun akademik sekarang, dengan memberi angka-angka yang berlainan bagi jurusan-jurusan (i) Sastera; dan (ii) Sains.
- *22. Tuan Fan Yew Teng minta Menteri Pelajaran menyatakan sama ada Kementeriannya akan menimbangakan dengan sewajarnya permintaan guru-guru siswazah India bukan Kerajaan supaya ditempatkan mereka di tangga gaji D2 di dalam Perkhidmatan Pelajaran yang baru, dan jika tidak, mengapa.

*23. Tuan Haji Ahmad bin Arshad minta Menteri Dengan Tugas-Tugas Khas dan Menteri Penerangan menyatakan:

- (a) dalam berapa bahasakah Perkhidmatan Luar Negeri Suara Malaysia disiarkan dan berapa negerikah yang mendapat faedah perkhidmatan ini;
- (b) bila siaran dalam Bahasa Tagalog akan diadakan supaya dapat mengujudkan persafahaman dengan rakyat Filipina;
- (c) bila siaran dalam Bahasa Arab akan diadakan untuk faedah negara-negara di Asia Barat dan Afrika; dan
- (d) sama ada pemancaran sekarang ini memadai untuk perkhidmatan tersebut.

*24. Tuan Mohd. Salleh bin Datuk Panglima Abdullah minta Menteri Dengan Tugas-Tugas Khas dan Menteri Penerangan sama ada beliau sedar bahawa pancaran Radio Malaysia Sabah ke Daerah Semporna tidak begitu terang, dan kadang-kadang langsung tidak dapat didengar; jika ya, sama ada beliau akan mengambil tindakan supaya pancaran ini diperbaiki agar penduduk-penduduk di daerah tersebut, khasnya penduduk-penduduk di luar bandar, akan dapat menggunakan radio transistor mereka mendengar lagu-lagu dan berita-berita penting.

*25. Tuan Mohd. Salleh bin Datuk Panglima Abdullah minta Menteri Dengan Tugas-Tugas Khas dan Menteri Penerangan sama ada Kementerian beliau akan mengeluarkan gambar Menteri-Menteri Kerajaan Pusat untuk dibahagi-bahagikan kepada orang ramai supaya tiap-tiap rakyat dapat tahu dan kenal siapakah Menteri-Menteri di tiap-tiap Kementerian.

*26. Tuan Joseph Unting minta Menteri Dengan Tugas-Tugas Khas dan Menteri Penerangan memberikan nama jenis-jenis lakunan dan tarian Malaysia atau asing yang boleh dan yang tidak boleh ditayangkan di dalam TV Malaysia.

- *27. Tuan V. David bertanya kepada Menteri Dengan Tugas-Tugas Khas dan Menteri Penerangan sama ada beliau akan mengambil langkah untuk menyediakan kemudahan-kemudahan TV Malaysia bagi penuntut-penuntut Malaysia menikmati rancangan-rancangan TV Singapura.
- *28. Tuan V. David minta Menteri Dengan Tugas-Tugas Khas dan Menteri Penerangan menyatakan siapa yang menentukan nilai-nilai berita di dalam Bahagian Berita di TV Malaysia, dan sama ada Pembukaan Persidangan Perwakilan UMNO mendapat keutamaan lebih dahulu daripada berita-berita Kebangsaan dan Antarabangsa.
- *29. Tuan V. David bertanya kepada / Menteri Dengan Tugas-Tugas Khas dan Menteri Penerangan sama ada beliau akan menimbang untuk menayangkan sekurang-kurangnya satu filem Tamil dalam seminggu di TV Malaysia dan demikian juga dengan filem-filem China dan Melayu.
- *30. Tuan Su Liang Yu minta Menteri Dengan Tugas-Tugas Khas dan Menteri Penerangan menyatakan sama ada beliau sedar bahawa Filem-Filem Cantonese dan Tamil yang ditayangkan oleh TV Malaysia adalah filem-filem yang sangat lama dan tidak sesuai dengan masyarakat berbilang kaum, dan apakah tindakan yang Kementerian ini telah ambil untuk membetulkan hal ini supaya filem-filem lama itu tidak ditayangkan lagi pada masa hadapan.
- *31. Tuan Su Liang Yu minta Menteri Dengan Tugas-Tugas Khas dan Menteri Penerangan menyatakan bila Kementeriannya hendak memulakan Talivishen berwarna di Malaysia seperti yang dibuat di Negara-Negara yang maju seperti Negeri Jepun dan Hongkong, dan jika tidak, mengapa.

- *32. Tuan Lim Kit Siang minta Menteri Teknologi, Penyelidikan dan Kerajaan Tempatan menyatakan apakah langkah yang sedang diambil oleh Kementerian beliau untuk memberi lesen-lesen kepada semua penjaja-penjaja yang tiada berlesen di Jalan Petaling, yang telah berjaja barang-barang berpuluh-puluh tahun, supaya mereka tidak dikacau dan didakwa oleh Badan Penguatkuasa Bandaraya Kuala Lumpur.
- *33. Tuan Peter Paul Dason minta Menteri Hal Ehwal Dalam Negeri menyatakan:
- (a) sama ada beliau sedar bahawa syarat berkehendakkan seorang penyokong di dalam borang permohonan paspot menyebabkan kesusahan kepada pemohon-pemohon paspot; dan
 - (b) sama ada beliau akan menimbang untuk mengenyapkan syarat ini kerana perkara ini tidak bermakna memandangkan bahawa semua butir-butir yang perlu terhadap pemohon dapat disahkan dari kad pengenalannya dan pegawai-pegawai yang mengeluarkan paspot juga dapat mengesahkan sendiri sama ada wajah pemohon-pemohon serupa dengan wajah di dalam gambar yang dikirimkan oleh pemohon-pemohon.
- *34. Tuan Richard Ho Ung Hun minta Menteri Pertanian dan Perikanan menyatakan sama ada ia sedar akan kebimbangan orang ramai tentang kegunaan ubat binatang (Pesticides) oleh penanam-penanam sayur-sayuran yang dikatakan boleh menjadikan tanaman-tanaman itu beracun (poisonous) kepada manusia. Jika ya, apakah langkah-langkah yang sudah, sedang dan akan diambil supaya kegunaan ubat itu dielakkan atau dilarang langsung demi untuk kesihatan orang ramai.

*35. Tuan Joseph Valentine Cotter minta Menteri Pembangunan Negara dan Luar Bandar menyatakan sama ada beliau akan menimbang memasukkan semua kawasan-kawasan berikut iaitu:-

- (a) Kampong Tringgus;
- (b) Kampong Gumbang;
- (c) Kampong Pangkalan Tebang;
- (d) Kampong Segubang;
- (e) Kampong Stass;
- (f) Kampong Jagoi;
- (g) Kampong Stenggang;
- (h) Kampong Singgai;
- (i) Lundu dan Sematan;

dalam Bahagian Pertama Sarawak di bawah suatu rancangan kemajuan tanah bagi Rancangan-rancangan Ubi Kayu dan Kelapa Sawit untuk memperbaiki taraf kehidupan penduduk-penduduk di kawasan-kawasan tersebut.

*36. Tuan Haji Abdul Wahab bin Yunus minta Luar Negeri
Menteri/nyatakan apakah hasil lawatan yang dibuat oleh Menteri Luar Bangladesh ke Malaysia pada bulan Jun baru-baru ini dan adakah masalah penyelesaian antara Bangladesh dan Pakistan juga dibincangkan, dan jika ya, apa kesimpulannya. Adakah Menteri Luar itu memberitahu tentang tentera India masih berada di Bangladesh atau tidak. Jika ada, bila tentera itu hendak keluar.

*37. Tuan Joseph Unting bertanya kepada Perdana Menteri sama ada beliau bercadang hendak membuat suatu undang-undang yang mensyaratkan supaya orang lelaki yang berambut panjang tidak boleh diambil bekerja dalam perjawatan-perjawatan Kerajaan Persekutuan atau Negeri.

*38. Raja Nong Chik bin Raja Ishak minta Perdana Menteri menyatakan projek-projek yang telah dilaksanakan bagi meninggikan taraf hidup orang-orang yang tidak berada dan bumiputra-bumiputra hingga kini oleh Perbadanan Pembangunan Bandar.

- *39. Tuan Haji Abdul Wahab bin Yunus minta Menteri Luar Negeri menyatakan hasil mesyuarat Jawatankuasa Pegawai-pegawai Kanan ASEAN yang telah diadakan di Kuala Lumpur pada awal bulan Julai, 1972 untuk membentuk suatu kawasan yang aman, bebas dan berkecuali.
- *40. Tuan Haji Abdul Wahab bin Yunus minta Menteri Luar Negeri menyatakan sambutan yang telah diberi terhadap cadangan Malaysia supaya sepuluh buah negara-negara Asia (Malaysia, Singapura, Filipina, Indonesia, Negeri Thai, Laos, Republik Khmer, Burma, Vietnam Selatan dan Vietnam Utara) dirangkaikan sebagai negara-negara kecil yang mahu bebas dan berkecuali.
- *41. Tuan Haji Ahmad bin Arshad minta Menteri Luar Negeri menyatakan:
- (a) sama ada Malaysia sebagai Anggota Peraturan Pertahanan Lima Negara telah membuat apa-apa bantahan terhadap ujian bom nuklear Perancis di kawasan Pasifik; dan
 - (b) sama ada debu radioaktif ujian itu akan mendatangkan bahaya kepada dunia ini.

